

2 تيسالونیکا

سورت کيريمن یغ کدوا هق توهن بري فولوس
توليس کفد فواق المسيح دبندر تيسالونیکا

باب 1 فولوس دوق تگور فواق المسيح د تيسالونیکا

- 1 اکو فولوس، سيلس دغن تیموتیوس، هنتر سورت ني کفد
سموا فواق المسيح دبندر تيسالونیکا، هق دوق سهاتي
سپاوا دغن توهن باف کيت، فس دغن ربّي عیسی المسيح.
- 2 اکو مینتاء توهن باف دغن ربّي عیسی المسيح چوچور
رحمة دي اتس فواق مو، دغن سلامت سجهترا.

رېي نق ماري کرت سين دغن عادیل

- 3 هي ادیق برادیق کو! فواق اکو کنا اوچف تريما کاسيه کا توهن
سعمور کران فواق مو. سوغ فاتوتله اکو بوات بالس تو، سبب
ایمان مو کهور ۲ سوبور مولیق، فس کاسيه مو اکو دالم فواق
مو کهور ۲ منمبه قواة لاکي.
- 4 جادي سابيت نیله، اکو بوليه اغکيت فواق مو بوات چنتوه کا
فواق ۲ المسيح هق جادي میلیق توهن دتمفت لائین، کات
مو دوق تگوه دغن فرچاي، تکه مو کنا سیقسا سغسارا تو.
- 5 فس هق مو بوليه فرچاي دغن تگوه تو، جادي تندا چرف کات
توهن دوق بوات هق عادیل سعمور. سود سکالي بي نق کرت سين

- دغن عاديل كات، فواق مو سوغ ده بوليه اجق ماسوق دوق باوه
 فرينته يي راحيره، هق جادي سبب مو كنا سيقسا سفسارا لاني .
- 6 فواق مو هق دوق كنا سيقسا فون، توهن نق بري هيلغ سيقسا
 7 تو، سكالې دغن سيقسا فواق اكو جوگ. فس اورغ هق بري مو كنا
 سيقسا توفون توهن نق بالس سيقسا اتس يي جوگ، تكه ربّي
 عيسى تورون ري لاغيث بري نمفق ديري، سكالې دغن ملائكة ۲
 يي هق ار كواس، فس دغن افي هق دوق مپالا ۲ .
- 8 فد ماس تو، ربّي نق حكوم اتس اورغ هق تاء سير كنل توهن،
 سكالې دغن اورغ هق تولق، تاء سير توروت خبر باءيك حال
 ربّي كيت، عيسى .
- 9 اورغ ۲ تو نق كنا حكوم بناس هق ككل، كنا تيشگل دوق جاءوه،
 تاء ليه مشهادف ربّي، تاء ليه تيفوق كواس يي يغ مهالميا تو .
- 10 تافي سموا هق جادي ميليقي ربّي، سموا اورغ هق فرچاي كا ري
 تو، يي نق بوليه مشهادف ربّي فد هاري تو، فس ربّي نق
 بوليه فوجين دغن حرمة درفد فواق تو. فس فد ماس تو، فواق
 مو دتيسالونيكا فون نق جاني سفواق دغن فواق تو، كران مو
 فرچاي كا خبر هق اكو ماري رويت كهفد مو .
- 11 سابيت توله، اكو كاچغ برعا انتوق فواق مو سعمور ۲، مينتاء
 دغن توهن كيت بري فواق مو سوغ بوليه توروت جالن هق يي
 فغكيل مو ماسوق تو .
- مينتاء توهن دغن كواس يي، بري بوليه سلسي سموا نيات
 هاتي مو هق باءيك تو، فس بري سمفرن، سموا كرج هق مو
 اوسها دوق بوات كران مو فرچاي تو .
- 12 دغن جالن نيله، نام ربّي كيت عيسى نق بوليه فوجين درفد
 فواق مو، فس مو فون نق بوليه فوجين درفد يي، دغن كران
 رحمة هق تورون دتوهن كيت دغن ربّي عيسى المسيح .

باب 2 دڄل هق درهاک کا توهن تو، ځکا تیمبول ماري دولو

- 1 هي اديق برانيق کو! چارا حال ربي کيت عيسى المسيح نق ماري سمولا تو، فس چارا حال کيت سموا نق کنا فرهمفون سکالي کي دوق دغن دي، اکو نق فسن جوگ ۲ کا فواق مو کات :
2 جاغله فيکيران مو باغت هاپوت کو تو کو ني، اتوا براس بوسن فون، کران اد اورغ هق کات، هاري هق ربي نق ماري تو لفس ده. بځکالي اد اورغ هق کات بالس تو، تکه دي ميمفي فرمان توهن، اتوا تکه دوق برشرح فون، اتوا بځکالي اد اورغ هق کات، اد سورت هق فواق اکو بياس توليس بالس تو جوگ.
3 تافي جاغله بري دي تيفو فواق مو. کران هاري تو تاء ليه سمفي لاکي، ملينکن کنا اد دولو، فرياغ هق بايق اورغ بوات درهاک کا توهن. فرياغ تو جوگ، دڄل نق تیمبول ماري، جادي کفلا سموا هق بوات درهاک کا توهن، دي هق دوق توجو کا نراک تو.
- 4 دڄل تو نق برلاون دغن سموا هق ماءنسي دوق سمبه، سموا هق ماءنسي اغکيت کات توهن، سهيغک دي اغکيت ډيري دي کي دوق دکريسي دالم تمفت يځ مهاسوچي هق توهن فون، نق مځاکو کات، دي سنډيري جادي توهن.
- 5 مو تاء ايغت که؟ تکه اکو دوق اد لاکي سکالي دغن مو دولو تو، اکو رويت ده سموا ني کا فواق مو.
- 6 تافي اد ساتو کواس هق سکت، تاء بري دڄل تو تیمبول لاکي. فس فواق مو تاهو ده هق مان کواس تو. بيلا سمفي ماس دي، تنتو دڄل تو نق تیمبول ماري.
- 7 کجهاتن دڄل تو تغه دوق کرج ده لاني، دالم دنيا، تافي دوق منوسوف لاکي، سهيغک دي هق دوق سکت دڄل تو، هوندور کي دولو، باروله دڄل نق توبيت دافن مات اورغ.
- 8 فس ربي عيسى، تکه دي ماري تو، دي نق بونوه دڄل، دغن

همبوس نفس، فس ربي نق بري هابيس كواس دجل ، دغن
سابيت چهيا كمليان هق دي تو.

9 دجل تو نق ماري دغن فاکي کواس هييليس ، فس دي نق بوليه

بوات ماچم ۲ هق فليق ، تند ۲ منيفو هق بري اورغ تحيران .

10 فس تيفوان دي هق جاهت تو ، نق کنا کا اورغ هق دوق

توروت جالن کا نراک ده ، کران اورغ ۲ تو تاء سير تريما هق

سبنر ، هق نق بري دي سلامت.

11 سابيت توله ، توهن تورون کواس اتس فواق ني ، بري فيکيران

دي فنيغ ، نق فرچاي کا هق فلسو.

12 توجوان توهن دغن بوات بالسن ني ، نق حکوم کاسموا اورغ هق

تاء فرچاي کا هق سبنر ، سبب دي سوک کا هق جاهت.

توهن فيليه فواق مو انتوق بري سلامت

13 تافي ، اديق براديق کو هق ربي کاسيه ، اکو کنا اوچف

تريما کاسيه کا توهن سعمور کران فواق مو . سبب جق دمو لا ۲

لاکي ، توهن فيليه ده فواق مو ، نق بري سلامت . دغن کواس

روح دي ، فس دغن کران مو فرچاي کا هق سبنر تو ، دي نق

بري فواق مو دوق سوچي انتوق دي .

14 توهن فغکیل مو دوق توروت جالن تو ، دغن مو دوق دغر

خبر بایک هق فواق اکو باوا کا فواق مو دولو تو . توجوان دي

نق بري مو بوليه سکيان دالم کمليان ربي کيت ، عيسى المسيح .

15 سابيت تو ، اديق براديق کو ، دوق برديري تکفله ، فس فگغ بري

کجت کا اف ۲ هق توهن فسن کا اکو ، سوروه اجر فواق مو ،

تاء کيرا دغن مولوت اتوا فون دغن سورت .

16 اکو مينتاء ربي کيت عيسى المسيح سنديري ، دغن توهن باف

کيت ، هق کاسيه کا کيت ، هق بري هاتي کيت قوا تاء فوتوس ،

فس هق بري کيت بوليه هارف تنتو ، دغن کران رحمة دي ، بري

17 هاتي مو قواة لاکي، براني بوليه بوات، بوليه رويت، اف ۲ هق موليق.

برعاله انتوق فواق اكو

باب 3

- 1 هي اديق براديق کو! اكو نق فسن سيکيت لاکي، ياء يت برعاله انتوق فواق اكو، نق بري خبر بآيك هق ربي ملارت کي باغت ۲، فس اورغ هق دغر، نق بري تريما دغن حرمة، سروف فواق مو تريما دولو.
- 2 فس، برعاله گاتيقي، مينتاء توهن بري اكو لفس درفد فواق هق کرس فروت، هق جاهت. سبب بوکن سموا هق دغر خبر بآيك تو، نق فرچاي.
- 3 تافي، کا ربي کيت بوليه فرچاي سوغکوه ۲. دي نق بري مو قواة هاتي، فس دي نق ليغکوغ جاگ مو درفد هق جاهت.
- 4 فس ربي بري فراسان کا هاتي کو بوليه هارف کا فواق مو، کات مو دوق بوات اف ۲ هق اكو سوروه، فس کوء دافن فون، مو نق بوات کي لاکي.
- 5 مينتاء ربي فيمفين هاتي فواق مو، بري مو بوليه تاهو کاسيه هق توهن بسر مان، فس بري مو بوليه تبیغ اوسها سمفي سود، سروف المسيح.

چارا حال اورغ هق مالس کرج

- 6 هي اديق براديق کو! اتس نام ربي عيسى المسيح، اكو سوروه مو جوگ ۲، بري جاء وهله ديري مو فد اديق براديق مان ۲ هق مالس کرج کا کي تاغن بوات کرج، فس تاء سير توروت فسنن ۲ کو دولو تو.
- 7 فواق مو تاهو چرف ده کات، مو کنا توروت چنتوه فواق اكو. تکه اكو دوق ادسکالي دغن فواق مو، اكو تاء مالس کرج کا کي

- 8 تاغن بوات كرج . اكو تاء امبيق اف ۲ فون اورغ، ملينكن اكو بلي. سسوغكوهن، فواق اكو كرج سمفي لتيه. اكو كاچغ اوسها سياغ مالم، انتوق تاء سير بري سياف ۲ فون دالم فواق مو كنا تڭكوغ برت كران اكو.
- 9 اكو بوات بالس تو، نق بري جادي چنتوه انتوق فواق مو، بوكن سابيت تاء سوغ اكو بوليه مينتاء تولوغن د فواق مو، دق! سوغ جوگ.
- 10 تكه فواق اكو دوق دغن فواق مو، اكو رويت ده اتوران كات: كالو سياف مالس كرج، تاء ليه ماكن.
- 11 فس لاني، فواق اكو دغر خبركات، اد اورغ دالم فواق مو هق مالس كرك كاكي تاغن، تافي راجين چمفور تاغن حال اورغ لائين.
- 12 اتس نام ربي عيسى المسيح، اكو سوروه بري ايغت كا اورغ ۲ تو كات، دي مستي كنا توروت جالن هق سوغ دغن عادة، فس، چاري رزقي دغن ريغ تيتيق فلوه دي سنديري.
- 13 هي اديق براديق كو! جاغله مو موده فواس بوات فركارا ۲ هق بايك.
- 14 بڭكالي اد اورغ دالم فواق مو تاء سير توروت هق اكو سوروه دالم سورت ني. كالو بالس تو، فرهاتي تيغوق كا دي، فس، هوندور سيكيت، جاغن ماسوق چمفور دغن دي، نق بري دي تركا بر كات، هيدوف لاكو تو ساله. تافي جاغله بوات كا دي
- 15 سروف سترو، دق! كنا نصيحة كا دي سروف اديق براديق.

سلام فولوس هق سود سكالې

- 16 اكو مينتاء ربي تورونله كسناغن اتس فواق مو سمواء سبب ربيله هق اد كسناغن ني. اكو نق بري فواق مو بوليه دوق سنغ هاتي تكه جادي اف ۲، اتوا بيلا ۲ فون. فس اكو مينتاء ربي دوق سكالې دغن فواق مو سعمور.

- 17 هق سود ني ، اكو فولوس توليس دغن تاغن كو سنديري ، كيريم
سلام كا اديق براديق كوسموا . هق ني جادي تندا كات ، سورت
ني ماري راكو سنديري . فرهاتيله كا توليسن كو ني .
- 18 مينتاء بري رحمة ربي كيت عيسو المسيح توروون دوق اتس فواق
مو سموا .